

# NAŠA STRANKA

Na osnovu čl. 13. i 14. Zakona o političkim organizacijama (Službeni list BiH, br. 27/91), Kongres Naše stranke održan u Sarajevu, 16. 05. 2015. godine, donio je

# STATUT NAŠE STRANKE

(Prečišćeni tekst)

## I OPĆE ODREDBE

**Član 1.**  
(Predmet statuta)

Statutom Naše stranke (u daljem tekstu: Statut) se utvrđuje: naziv, pravni status, znak, sjedište; unutrašnja organizacija stranke, organi stranke, kao i način njihovog izbora i opoziva; trajanje mandata i način donošenja odluka; sredstva za rad i postupanje s imovinom; zastupanje i predstavljanje; trajanje mandata i način odlučivanja, koordiniranje i učešće Naše stranke u vlasti, kao i druga pitanja od značaja za članstvo i djelovanje Naše stranke (u daljem tekstu: NS).

**Član 2.**  
(Pravni status)

NS je pravno lice, upisano u registar političkih organizacija koji se vodi pri nadležnom državnom organu. Stranka ima svoj žiroračun i devizni račun, a u pravnom prometu s trećim licima za preuzete obaveze odgovara vlastitim sredstvima, tj. imovinom.

Lokalni i regionalni organizacijski oblici NS-a djeluju na osnovu ovlaštenja i nemaju status pravnog lica.

### **Član 3. (Naziv i sjedište)**

Puni naziv stranke je Naša stranka, a skraćeni naziv NS.

Odluku o promjeni naziva stranke donosi Kongres NS-a.

Sjedište NS-a je u Sarajevu, ulica Branilaca Sarajeva 5. Odluku o promjeni adrese sjedišta Stranke donosi Predsjedništvo NS-a.

### **Član 4. (Načela djelovanja)**

NS je građanska stranka, koja djeluje na osnovu odredaba ovoga statuta i stranačke politike izražene u programima, deklaracijama, rezolucijama i odlukama, te drugim općim i pojedinačnim aktima, u skladu s pravnim poretom Bosne i Hercegovine.

NS ostvaruje svoje ciljeve zakonitim, demokratskim i nenasilnim metodama parlamentarnog i javnog djelovanja.

NS je politička organizacija socijal-liberalnog političkog opredjeljenja, koja uvažava najviši stepen ravnopravnosti građana i građanki Bosne i Hercegovine.

NS djeluje i radi na principima ostvarenja jednakih prava i jednakih prilika za sve građane i građanke Bosne i Hercegovine, u skladu sa Zakonom o zabrani diskriminacije Bosne i Hercegovine.

NS u svom djelovanju preduzima konkretne korake s ciljem ohrabriranja ugroženih i diskriminiranih osoba i skupina na političko učešće. NS će osigurati mehanizme neophodne za povećanje zastupljenosti i učešća žena i mladih u organima stranke i političkom životu.

Tamo gdje je to tehnički moguće, NS će pri popunjavanju mjesta u tijelima stranke osigurati ravnopravno učešće žena i muškaraca. U ostalim slučajevima, NS će uložiti najveće napore da se postigne rodna ravnopravnost u svim tijelima stranke.

### **Član 5. (Predstavljanje i zastupanje)**

NS u javnom i političkom životu, te u pravnom prometu zastupa predsjednik NS-a.

Potpredsjednici NS-a i generalni sekretar NS-a predstavljaju i zastupaju NS na temelju odluke predsjednika NS-a, a u skladu sa odredbama Statuta.

### **Član 6. (Područje djelovanja)**

NS djeluje na području cijele Bosne i Hercegovine.

NS može saradivati s drugim političkim organizacijama u Bosni i Hercegovini i inozemstvu radi ostvarivanja svojih političkih ciljeva.

NS se može učlaniti u međunarodne političke i nepolitičke asocijacije.

Odluke iz stava 3. ovoga člana donosi Glavni odbor NS-a uz prethodno obavljenu raspravu u općinskim i regionalnim odborima i Predsjedništvu NS-a.

### **Član 7. (Pečat, znak i zastava)**

NS ima svoj pečat, znak i zastavu.

Pečat NS-a je okruglog oblika, promjera 30 mm, s latiničnim i ćiriličnim natpisom „NAŠA STRANKA“, koji prati rub pečata. U sredini pečata nalazi se znak NS-a.

Pravilnik o izgledu i upotrebi pečata donosi Predsjedništvo NS-a.

Izgled znaka i zastave NS-a utvrđuje se odlukom Glavnog odbora NS-a.

Originalni uzorak znaka i zastave pohranjen je u Sekretarijatu NS-a.

**Član 8.**  
**(Izdavačka djelatnost i stranačka glasila)**

NS može imati vlastitu izdavačku djelatnost i stranačko glasilo, koje može biti štampano i elektronsko.

NS može izdavati i druga glasila, te osnivati ili se koristiti i ostalim sredstvima javne komunikacije (internet, televizija, radio i sl.) u skladu sa zakonom i Statutom.

NS ima zvaničnu jedinstvenu web-stranicu registrovanu na domeni [www.nasastranka.ba](http://www.nasastranka.ba).

NS ima obavezu da sve izabrane predstavnike i predstavnice ravnomjerno predstavlja putem javnog oglašavanja i komunikacije u javnosti.

Predsjedništvo NS-a donosi odluku o formiranju i načinu rada glasila NS-a.

**Član 9.**  
**(Način i postupci izbora i imenovanja)**

Izbor članova/ica organa NS-a, kao i imenovanje članova/ica u tijela NS-a, obavlja se glasanjem u pravilu između više kandidata/kinja.

Izbor članova/ica organa NS-a obavlja se tajnim glasanjem.

U slučaju kada na području određene lokalne ili regionalne organizacije ne postoje organi NS-a, Predsjedništvo imenuje povjerenika/icu na period od 6 mjeseci. Ako se u roku od 6 mjeseci ne izabere organ NS-a tada Predsjedništvo bira organ lokalne ili regionalne organizacije.

U postupku izbora članova/ica organa NS-a, kao i u postupku imenovanja članova/ica u tijela NS-a za koja je predviđen izbor ili imenovanje samo jednog člana/ice, za izbor je potrebna natpolovična većina glasova prisutnih.

U slučaju da u postupku izbora iz prethodnog stava u prvom krugu glasanja nema natpolovične većine, pristupa se drugom krugu glasanja, gdje se glasa za jednog/u od dva/ije kandidata/kinje koji su osvojili najveći broj glasova u prvom krugu. Za izbor je potrebna natpolovična većina glasova prisutnih.

U postupku izbora članova/ica organa NS-a, kao i u postupku imenovanja članova/ica u tijela NS-a za koja je predviđen izbor ili imenovanje više članova/ica, izabranim se smatraju oni/e kandidati/kinje koji su dobili najveći broj glasova.

U slučaju da u postupku izbora iz prethodnog stava dva ili više kandidata/kinja imaju jednak broj glasova, a broj osvojenih glasova nije dovoljan da svi budu izabrani/e ili imenovani/e u tijelo ili organ NS-a, žrijebanjem će se odrediti izabrani/a ili imenovani/a član/ica.

U slučajevima razrješenja prije isteka mandata, izabrani članovi/ice organa NS-a, kao i imenovani članovi/ice u tijela NS-a, razrješavaju se na način koji je predviđen za njihov izbor ili imenovanje.

U slučaju kada član/ica organa ili tijela podnese neopozivu ostavku, nadležni organ prima je k znanju bez provođenja procedure predviđene u stavu 8. ovog člana.

**Član 10.**  
**(Pravovaljanost rada i odlučivanja)**

Organi i tijela NS-a, kao i drugi organizacioni oblici NS-a, valjano odlučuju ako je prisutno više od polovine ukupnog broja članova/ica dotičnog organa, tijela ili organizacionog oblika, osim u slučajevima kada je ovim statutom drugačije određeno.

Organi i tijela NS-a, kao i organizacioni oblici NS-a, donose odluke natpolovičnom većinom glasova prisutnih članova/ica, osim u slučajevima kada je ovim statutom drugačije određeno.

**Član 11.**  
**(Načelo statutarnosti akata)**

Svi akti organa i tijela NS-a moraju biti u skladu sa Statutom NS-a, a akti nižih organa i tijela NS-a moraju biti u skladu i sa aktima viših organa i tijela NS-a.

Svaki član/ica NS-a obavezan/na je pridržavati se odredbi Statuta NS-a i poštivati odluke nadležnih organa NS-a.

Sve odluke i akti nadležnih organa i tijela NS-a stupaju na snagu danom donošenja, osim ako u njima nije drugačije određeno.

**Član 12.**  
**(Načelo javnosti rada)**

Rad organa i tijela NS-a je javan, a javnost rada ostvaruje se na javnim skupovima, tribinama, okruglim stolovima, izvještavanjem javnosti i članstva putem saopćenja, izjava, reagiranja, konferencija za medije, prisustvom predstavnika/ica javnog informisanja na skupovima NS-a, te na druge prikladne načine.

Organi NS-a, izuzetno, mogu raspravljati i odlučivati bez obavještanja javnosti, i to u slučajevima kada se raspravlja o:

- unutrašnjim kadrovskim pitanjima;
- strategiji i taktici izborne kampanje i nominiranju kandidata/kinja za izbore;
- saradnji i spajanju, odnosno udruživanju s drugim političkim organizacijama;
- poslovanju NS-a;
- pitanjima koja se smatraju poslovnom tajnom, te
- ostalim unutarstranačkim pitanjima i to na osnovu odluke nadležnog organa NS-a.

### **Član 13. (Poslovna tajna)**

Poslovnom tajnom NS-a smatraju se:

- isprave i lični podaci o članovima/icama NS-a, te dokumentacija o njihovom političkom djelovanju, podaci o donatorima NS-a, osim onih isprava, podataka i dokumenata za koje je Glavni odbor NS-a dao odobrenje za objavljivanje, a na osnovu prethodnog pristanka člana/ice ili donatora ili onih isprava, podataka i dokumenata koje se objavljuju po sili zakona;
- isprave i podaci o općem ili trenutnom finansijskom i drugom materijalnom stanju NS-a, osim onih isprava i podataka koje je NS dužna dostavljati nadležnim organima državne vlasti;
- isprave, podaci i dokumentacija o drugim osobama ili institucijama s kojima sarađuje NS, a nalaze se u privremenom ili trajnom posjedu NS-a, osim onih za čiju objavu je Glavni odbor NS-a dao prethodno odobrenje ili onih isprava, podataka i dokumenata koje se objavljuju po sili zakona;
- isprave i podaci naznačeni kao poslovna tajna od strane drugih pravnih lica.

Poslovnom tajnom smatraju se i druge isprave i podaci vezani za rad i političko djelovanje NS-a čije bi objavljivanje bilo protivno interesima NS-a i uspješnom obavljanju službenih poslova, a o čemu odlučuje Glavni odbor NS-a.

Odluke o tome što se smatra poslovnom tajnom donose nadležni organi na svim nivoima organizacije NS-a.

## **II ČLANSTVO**

### **Član 14. (Vrste članstva)**

Članstvo u NS-u može biti redovno i počasno.

Glavni odbor NS-a donosi pravilnik o članstvu, kojim se detaljnije reguliraju sva pitanja vezana za članstvo u NS-u, posebno početak i prestanak članstva, vođenje glavnog registra članstva NS-a, te izgled i sadržaj stranačke pristupnice i iskaznice.

Svi članovi/ice NS-a dobijaju člansku iskaznicu.

### **Član 15. (Redovno članstvo)**

Redovni/e članovi/ice NS-a s prebivalištem u Bosni i Hercegovini u pravilu su organizirani prema mjestu vlastitog prebivališta, odnosno u najbližem organizacionom obliku NS-a, ukoliko u mjestu prebivališta ne postoji organizacioni oblik NS-a (mjesna ili općinska organizacija).

Redovni/e članovi/ice NS-a koji/e privremeno borave izvan Bosne i Hercegovine upisuju se samo u Glavni registar članstva NS-a.

### **Član 16. (Počasno članstvo)**

Odluku o primanju osobe u počasno članstvo NS-a donosi Glavni odbor NS-a u skladu sa pravilnikom o članstvu.

Počasnim članom/icom može postati osoba koja u svom političkom djelovanju podržava ideje za koje se zalaže NS i koja je svojim javnim istupima i neposrednim djelovanjem promovirala i podržavala NS u zemlji i inostranstvu.

Počasnim članom/icom može postati svaka osoba koja ispunjava uslove članstva, uz izuzetak da počasnim članom/icom može postati osoba koja je strani državljanin.

Počasni članovi/ice NS-a imaju sva prava redovnih članova/ica, osim prava da biraju i budu birani/e, u skladu sa ovim statutom.

#### **Član 17. (Uslovi članstva)**

Članstvo u NS-u moguće je pod jednakim uslovima svakom punoljetnom državljaninu/ki Bosne i Hercegovine, koji/a je upoznat/a sa Statutom i programom NS-a i prihvata ih.

Članom/icom NS-a postaje se dostavljanjem popunjene pristupnice povjereniku/ici NS-a u općinskim odborima, ili neposredno u sjedištu NS-a, nakon čega se član/ica upisuje u Glavni registar članova NS-a.

Član/ica NS-a ne može biti član/ica neke druge političke stranke sa sjedištem u Bosni i Hercegovini.

#### **Član 18. (Članska prava i obaveze)**

Član/ica NS-a ima sljedeća prava i obaveze:

- sudjelovati u oblikovanju i ostvarivanju politike NS-a;
- aktivno sudjelovati u radu organa i tijela NS-a u koja je izabran/a, odnosno imenovan/a;
- poštivati Statut i programska načela NS-a, te provoditi odluke nadležnih stranačkih organa;
- redovno plaćati članarinu u skladu sa posebnim pravilnikom;
- birati i biti biran/a u sve stranačke organe i tijela;
- istaknuti kandidaturu i natjecati se u postupku izbora kandidata/kinja na stranačkim listama za izbore u predstavničkim i izvršnim tijelima na svim nivoima državnog organizovanja u Bosni i Hercegovini,
- biti obaviješten/a o stranačkim aktivnostima, stavovima i odlukama, te dobiti druge odgovarajuće informacije putem stranačkih glasila;
- na sastancima, odnosno sjednicama stranačkih organa i tijela javno i argumentirano iznositi prijedloge, mišljenja i kritike vezane uz rad NS-a i stranačkih organa i tijela.

#### **Član 19. (Prestanak članstva)**

Članstvo u NS-u prestaje:

- 1) istupanjem iz članstva;
- 2) isključenjem iz članstva;
- 3) smrću.

#### **Član 20. (Istupanje iz članstva)**

Za istupanje iz članstva podnosi se pismena izjava, koja ne mora biti obrazložena, a generalni sekretar NS-a, na zahtjev člana/ice izdaje potvrdu o istupanju iz članstva u NS-u.

#### **Član 21. (Isključenje iz članstva)**

Iz NS-a se isključuje član/ica koji/a:

- ne poštuje Statut i program NS-a, kao i druge opće i pojedinačne akte NS-a, te odluke koje donose nadležni organi i tijela NS-a u okviru svoje nadležnosti;
- ponašanjem, djelovanjem ili postupanjem nanosi veću štetu interesima ili ugledu pojedinog tijela NS-a ili NS-u u cjelini;
- u javnosti iznosi političke stavove koji su u suprotnosti sa Statutom i programom NS-a, te odlukama nadležnih organa i tijela NS-a u okviru svoje nadležnosti;
- u javnim istupima učestalo vrijeđa ili kleveće drugog/u člana/icu NS-a;
- je prilikom učlanjenja u NS dao/la netačne ili neistinite podatke;
- nije platio/la članarinu u roku od 2 (dva) mjeseca od dana kada ga/ju je nadležni zvaničnik/ca NS-a pismeno upozorio/la da 6 (šest) mjeseci nije platio/la članarinu;
- ako član/ica izabran u organe stranke u dužem vremenskom razdoblju, ne manjem od 3 (tri) i ne više od 6 (šest) mjeseci neopravdano nije aktivan/na u radu organa i tijela NS-a;
- kontinuirano odbija sudjelovanje u redovnim i vanrednim aktivnostima NS-a.

Svaki organ ili tijelo NS-a može podnijeti pisani i obrazloženi zahtjev za isključenje jednog ili više članova/ica NS-a.

Svaki član/ica NS-a, uz podršku još najmanje 4 (četiri) člana/ice NS-a, može podnijeti pisani i obrazloženi zahtjev za isključenje jednog ili više članova/ica NS-a.

Zahtjev iz stava 2. i 3. ovog člana podnosi se Sudu časti NS-a koji donosi odluku o zahtjevu.

#### **Član 22. (Žalba na odluku Suda časti)**

Član/ica NS-a kojem je pred Sudom časti izrečena mjera isključenja iz članstva može u roku od 15 dana od dana uručenja odluke Suda časti izjaviti žalbu Predsjedništvu NS-a.

Žalba se dostavlja u Sekretarijat NS-a.

Generalni sekretar NS-a, nakon što utvrdi da je žalba podnesena u roku i da je izjavljena od člana/ice kojem/oj je izrečena mjera isključenja, podnosi izvještaj Predsjedništvu NS-a.

Odluka Predsjedništva NS-a po žalbi je konačna.

U slučaju da je Predsjedništvo NS-a podnijelo zahtjev za isključenje iz članstva, tada odluku o žalbi donosi Glavni odbor NS-a koja je i konačna.

Članstvo u Stranci prestaje danom kada odluka o isključenju postane konačna.

Osoba koja je isključenjem prestala biti članom/icom NS-a ne može se ponovo učlaniti u NS-u prije isteka roka od 2 (dvije) godine od dana pravomoćnosti odluke o isključenju, niti može biti istaknuta kao kandidat/kinja na izborima prije isteka toga roka.

#### **Član 23. (Osnove stranačke discipline i disciplinskog postupka)**

Glavni odbor NS-a donosi pravilnik o Sudu časti, kojim se detaljnije uređuju djelokrug, članstvo, način rada, postupak pred Sudom časti, te druga pitanja od važnosti za rad Suda časti.

Osnovu stranačke discipline predstavlja izvršenje dužnosti iz člana 18. ovog statuta, te pridržavanje općih pravila pristojnog ponašanja.

### **III TERITORIJALNA ORGANIZACIJA NS-A**

#### **Član 24. (Opća načela organizacije)**

NS je organizirana na teritorijalnom principu.

Članovi/ce NS-a mogu se unutar stranke organizirati i prema interesnoj osnovi u interesne odbore/savjete.

#### **Član 25. (Teritorijalna organizacija stranke)**

Teritorijalnu organizaciju NS-a čine:

- lokalne organizacije,
- regionalne organizacije.

#### **Lokalna organizacija**

#### **Član 26. (Područje i način osnivanja lokalne organizacije)**

Lokalna organizacija je osnovna organizaciona jedinica NS-a koja se osniva za područje jedne općine ili grada.

Za osnivanje lokalne organizacije NS-a nužno je 15 (petnaest) članova/ica NS-a.

Zapisnici sa osnivanja lokalne organizacije dostavljaju se Sekretarijatu NS-a.

#### **Član 27. (Rad lokalne organizacije)**

Lokalna organizacija djeluje samostalno u skladu sa Statutom i programom NS-a, deklaracijama i odlukama viših organa i tijela NS-a, promovišući ciljeve i načela rada NS-a, te ostvaruje programsku politiku NS-a neposrednim djelovanjem svojih članova/ica.

#### **Član 28. (Nadležnost lokalne organizacije)**

Organi lokalne organizacije odlučuju o međustranačkim dogovorima o saradnji i zajedničkim nastupima na izborima za područje dotične jedinice lokalne samouprave, a u skladu s općom politikom NS-a i uz saglasnost Predsjedništva NS-a.

Na području jedinice lokalne samouprave, organi lokalne organizacije samostalno sastavljaju prijedloge lista kandidata/kinja NS-a za općinske načelnike/ce, gradonačelnike/ce, za izbore u predstavničke organe jedinice lokalne samouprave, te predlažu kandidate/kinje za izbore članova/ica predstavničkih organa na ostalim nivoima vlasti u skladu sa Statutom i odlukama organa NS-a o postupku kandidiranja, uz saglasnost Predsjedništva NS-a.

Predsjedništvo NS-a, uz konsultacije s neposredno nadređenom regionalnom organizacijom NS-a, može sastaviti prijedloge lista kandidata/kinja i zamjenika kandidata/kinja iz stava 2. ovog člana, i to isključivo u slučaju da organi lokalne organizacije to ne učine u zadatom roku, ili ukoliko je organ lokalne organizacije raspušten ili ne postoji.

U slučaju postojanja razlika u stavovima o pitanjima iz stava 1. i 2. ovog člana između lokalnih organa i Predsjedništva NS-a, tada konačnu odluku o tim pitanjima donosi Glavni odbor NS-a.

#### **Član 29. (Načelo pripadnosti lokalnoj organizaciji)**

Svaki član/ica NS-a obavezno pripada jednoj od lokalnih organizacija NS-a prema mjestu prebivališta.

U općinama i gradovima u kojima ne postoji lokalna organizacija, članovi/ice NS-a pripadaju lokalnoj organizaciji u najbližoj jedinici lokalne samouprave.

U slučaju promjene prebivališta i boravišta, član/ica se putem Sekretarijata NS-a objavljuje u matičnoj lokalnoj organizaciji i prijavljuje se u lokalnu organizaciju novog prebivališta, te se uključuje u njezin rad.

Kada član/ica NS-a duže vrijeme boravi izvan područja svog prebivališta tada se on/a uključuje u rad lokalne organizacije u mjestu boravišta.

Organ lokalne organizacije može osnivati i vlastite ogranke na području mjesne samouprave u svojoj jedinici lokalne samouprave.

#### **Član 30. (Organ lokalne organizacije)**

Organ lokalne organizacije NS-a je općinski odbor.

Općinski odbor bira zbor članstva lokalne organizacije. Zbor članstva saziva predsjednik ili povjerenik općinskog odbora.

Predsjedništvo NS-a može izabrati općinski odbor:

- 1) ukoliko izabrana lokalna organizacija ne zasjeda u potrebnom kvorumu najmanje tri uzastopne sjednice;
- 2) ukoliko izabrana lokalna organizacija ne šalje redovno izvještaje višim organima stranke;
- 3) ukoliko izabrana lokalna organizacija ne provodi odluke viših organa stranke.

Kada se steknu uslovi za održavanje zbora članstva onda, u skladu sa odredbama Statuta, zbor članstva bira općinski odbor umjesto onoga kojeg je izabralo Predsjedništvo NS-a.

#### **Član 31.**

Općinski odbor donosi, u skladu s ovim statutom, poslovnik o svome radu.

Općinski odbor NS-a može osnivati i druga tijela u skladu sa Statutom i političkim načelima NS-a.

#### **Općinski odbor**

#### **Član 32. (Sastav općinskog odbora)**

Općinski odbor čine:

- predsjednik/ca;
- dva potpredsjednika/ce;
- sekretar/ka;
- izabrani načelnici/e, gradonačelnici/e kao i njihovi zamjenici, te vijećnici/e u vijeću/predstavničkom tijelu lokalne samouprave;
- najmanje 5 (pet) članova/ica pri čemu ukupan broj članova/ica općinskog odbora mora biti neparan.

Članove/ice iz stava 1. ovoga člana, sa izuzetkom sekretara/ke, bira zbor članstva lokalne organizacije (općine). U slučajevima iz člana 30. ovog statuta ili u slučaju da nije moguće održati zbor članstva, odluku o izboru članova/ica općinskog odbora donosi Predsjedništvo NS-a.

Općinski odbor bira sekretara/ku.

Izuzetno, na prijedlog predsjednika, općinski odbor može kooptirati do 1/3 (jedne trećine) dodatnih članova/ica u odnosu na postojeći broj članova/ica općinskog odbora uz prethodnu saglasnost Regionalnog odbora NS-a. Ukoliko nije formiran RO na području date općine odluku o kooptiranju donosi Predsjedništvo NS-a.

U sastavu općinskog odbora potrebno je osigurati najmanje 30% članova/ica mlađih od 30 godina i ravnopravnu zastupljenost oba spola (+/- jedna osoba). Glavni odbor NS-a donosi pravilnik o postupku kandidiranja i izboru organa NS-a kojim se, između ostalog, regulišu pitanja koja se mogu pojaviti u praksi u vezi s provođenjem i zaštitom ovog principa.

Članovi/ice općinskog odbora su dužni prisustvovati sjednicama odbora.

### **Član 33. (Sjednice općinskog odbora)**

Sjednice općinskog odbora održavaju se najmanje jednom mjesečno i saziva ih predsjednik/ca općinskog odbora.

Na zahtjev najmanje 1/3 (jedne trećine) članova/ica općinskog odbora, predsjednik/ca je dužan/na sazvati sjednicu odbora u roku od 15 (petnaest) dana od dana zaprimanja zahtjeva.

Obrazloženi zahtjev iz stava 2. ovoga člana podnosi se u pisanom obliku i sadrži prijedlog dnevnoga reda sjednice općinskog odbora.

Ukoliko predsjednik/ca općinskog odbora ne sazove sjednicu u skladu sa stavom 2. ovoga člana, predsjednik/ca nadređenog regionalnog odbora NS-a dužan/na je, u istom roku, sazvati sjednicu općinskog odbora.

Ukoliko predsjednik/ca regionalnog odbora ne sazove, u ostavljenom roku, sjednicu općinskog odbora, tada Predsjedništvo NS-a donosi odluku o sazivanju sjednice.

Zahtjev za sazivanje sjednice općinskog odbora mogu uputiti i regionalni odbor i Predsjedništvo NS-a.

Ukoliko na zahtjev iz stava 6. ovog člana predsjednik/ca općinskog odbora ne sazove sjednicu, tada odluku o sazivanju sjednice donosi regionalni odbor, odnosno Predsjedništvo NS-a, u zavisnosti od toga na čiji zahtjev se sjednica saziva.

Sjednicama općinskog odbora predsjedava predsjednik/ca, a u slučaju spriječenosti zamjenjuje ga/je potpredsjednik/ca općinskog odbora kojeg on/a ovlasti. U slučaju dužeg odsustva predsjednika/ce, sjednicama predsjedavaju potpredsjednici/e naizmjenično.

Ukoliko predsjednik/ca općinskog odbora podnese ostavku, funkciju vršioca dužnosti predsjednika/ce preuzima potpredsjednik/ca kojeg imenuje općinski odbor i obavlja je do izbora novog predsjednika/ce.

### **Član 34. (Nadležnost općinskog odbora i način odlučivanja)**

Općinski odbor:

- provodi odluke Kongresa NS-a i drugih nadležnih organa i tijela NS-a;
- daje političke ocjene i utvrđuje političke stavove o pitanjima i pojavama na području na kojima djeluje;
- upravlja lokalnom organizacijom između izbora;
- osmišljava i organizira djelovanje i provođenje politike NS-a, izvršenje programa, te programskih načela i ciljeva na području na kojem djeluje;
- podstiče omasovljenje članstva;



- osniva tijela i interesne odbore i koordinira njihov rad;
- sastavlja prijedlog lista kandidata, te organizira i provodi izbornu kampanju za izbore općinskog načelnika/ce, odnosno gradonačelnika/ce i njihovih zamjenika/ca, te članova/ica predstavničkog tijela u općini/jedinici lokalne samouprave;
- odlučuje o koalicijama u svojoj jedinici lokalne samouprave u skladu sa programskim načelima NS-a uz prethodno pribavljeno mišljenje regionalnog odbora i saglasnost Predsjedništva NS-a;
- organizira i podstiče dodatno obrazovanje članova/ica lokalne organizacije;
- najmanje jednom u pola godine razmatra rad svojih članova/ica u organima općine/jedinice lokalne samouprave i radnim tijelima iste;
- utvrđuje kandidate/kinje za tijela NS-a;
- podstiče i organizira promotivne aktivnosti, te organizira odnose s javnošću;
- bira i razrješava sekretara/ku općinskog odbora;
- donosi poslovnik o svom radu;
- obavlja druge poslove predviđene poslovníkom, Statutom i odlukama viših organa i tijela NS-a.

Općinski odbor donosi pravovaljane odluke natpolovičnom većinom prisutnih, ukoliko sjednici prisustvuje natpolovična većina ukupnog broja članova/ica odbora.

### **Regionalna organizacija**

#### **Član 35. (Regionalne organizacije)**

Regionalne organizacije NS-a su:

**Regionalna organizacija Banja Luka-Prijedor:** Krupa na Uni, Novi Grad, Kozarska Dubica, Prijedor, Gradiška, Laktaši, Srbac, Prnjavor, Petrovac, Oštra Luka, Banja Luka, Čelinac, Istočni Drvar, Ribnik, Mrkonjić Grad, Jezero, Skender Vakuf, Kotor Varoš, Šipovo, Kupres (RS) i Kostajnica.

**Regionalna organizacija Dobo-Bijeljina:** Derventa, Brod, Vukosavlje, Šamac, Donji Žabar, Modriča, Pelagićevo, Bijeljina, Dobo, Petrovo, Lopare, Stanari, Ugljevik i Teslić.

**Regionalna organizacija Istočna Bosna:** Osmaci, Zvornik, Šekovići, Vlasenica, Bratunac, Srebrenica, Sokolac, Han Pijesak, Istočna Ilidža, Istočni Stari Grad, Istočno Novo Sarajevo, Trnovo (RS), Pale (RS), Rogatica, Višegrad, Istočni Mostar, Nevesinje, Kalinovik, Gacko, Foča (RS), Novo Goražde, Čajniče, Rudo, Berkovići, Ljubinje, Bileća, Trebinje i Milići.

**Regionalna organizacija Brčko Distrikt Bosne i Hercegovine:** Brčko Distrikt BiH.

**Regionalna organizacija Zapad:** Unsko-sanski kanton i Kanton 10.

**Regionalna organizacija Tuzla:** Tuzlanski kanton i Posavski kanton.

**Regionalna organizacija Zenica:** Zeničko-dobojski kanton i Srednjobosanski kanton.

**Regionalna organizacija Sarajevo:** Kanton Sarajevo i Bosansko-podrinjski kanton.

**Regionalna organizacija Mostar:** Hercegovačko-neretvanski kanton i Zapadnohercegovački kanton.

#### **Član 36. (Nadležnost regionalne organizacije)**

Regionalna organizacija djeluje samostalno u skladu sa Statutom i programom NS-a, te odlukama viših organa i tijela NS-a, promovirajući ciljeve i načela rada NS-a, te izražava posebne interese područja na kojem djeluje i provodi programsku politiku NS-a, neposrednim djelovanjem svojih članova/ica.

Regionalna organizacija samostalno odlučuje o međustranačkim dogovorima o saradnji i zajedničkim nastupima na izborima na području svog djelovanja u skladu s općom politikom NS-a i uz saglasnost Predsjedništva NS-a.

Regionalna organizacija predlaže kandidate/kinje koji će se kandidirati na lokalnim i općim izborima u BiH u skladu sa ovim statutom i odlukama organa NS-a o postupku kandidiranja.

Predsjedništvo NS-a može sastaviti liste, te predložiti kandidate/kinje i zamjenike kandidata iz stava 3. ovoga člana jedino u slučaju da regionalna organizacija ne postoji ili da je regionalni odbor raspušten ili da regionalni odbor u ostavljenom roku nije izvršio ovu obavezu.

#### **Član 37. (Organ regionalne organizacije)**

Organ regionalne organizacije je regionalni odbor.

Regionalni odbor ima najmanje 11 (jedanaest) članova/ica, pri čemu ukupan broj članova/ica regionalnog odbora mora biti neparan.

Svaka općinska organizacija bira najmanje jednog člana/icu regionalnog odbora.

Regionalni odbor čine:

- predsjednik/ca regionalnog odbora;
- dva potpredsjednika/ce;
- sekretar/ka;
- članovi/ce regionalnog odbora koje su birali općinski odbori.

Predsjednika/cu, potpredsjednike/ce i sekretara/ku bira regionalni odbor iz reda svojih članova/ica, koji ne mogu biti predsjednici/e, potpredsjednici/e općinskih odbora u općinama u kojima imaju prebivalište/boravište.

U sastavu regionalnog odbora potrebno je osigurati najmanje 30% članova/ica mlađih od 30 godina i ravnopravnu zastupljenost oba spola (+/- jedna osoba). Glavni odbor NS-a donosi pravilnik o postupku kandidiranja i izboru organa NS-a kojim se, između ostalog, regulišu pitanja koja se mogu pojaviti u praksi u vezi s provođenjem i zaštitom ovog principa.

Iznimno, na prijedlog predsjednika NS-a, regionalni odbor može kooptirati do 1/3 (jedne trećine) dodatnih članova/ica u odnosu na postojeći broj članova/ica regionalnog odbora uz prethodnu saglasnost Predsjedništva NS-a.

Članovi/ce regionalnog odbora dužni/e su prisustvovati sjednicama odbora.

U slučaju da iz bilo kojeg razloga nije moguće izvršiti izbor članova/ica regionalnog odbora, Predsjedništvo NS-a postavlja članove/ice regionalnog odbora.

Regionalni odbor donosi, u skladu s ovim statutom, poslovnik o svome radu. Regionalni odbor može osnivati i regionalna tijela NS-a u skladu sa ovim statutom i političkim načelima NS-a.

### **Član 38. (Sjednice regionalnog odbora)**

Sjednice regionalnog odbora održavaju se najmanje jednom mjesečno. Sjednice regionalnog odbora saziva predsjednik/ca.

Na zahtjev najmanje 1/3 (jedne trećine) članova/ica regionalnog odbora, predsjednik/ca je dužan sazvati sjednicu u roku od 15 (petnaest) dana od dana zaprimanja zahtjeva.

Obrazloženi zahtjev iz stava 2. ovoga člana podnosi se u pisanom obliku i sadrži prijedlog dnevnoga reda sjednice.

Ukoliko predsjednik/ca ne sazove sjednicu regionalnog odbora u skladu sa stavom 2. ovoga člana, onda Predsjedništvo NS-a saziva sjednicu.

Predsjedništvo NS-a ima pravo zahtijevati održavanje sjednice regionalnog odbora i predložiti dnevni red. Ukoliko predsjednik/ca ne zakaže sjednicu koja treba da se održi roku od 15 dana od dana prijema zahtjeva, onda će sjednicu regionalnog odbora zakazati Predsjedništvo NS-a.

Ukoliko sjednica regionalnog odbora nije održana 3 (tri) mjeseca, onda Predsjedništvo NS-a ima obavezu da zakaže sjednicu koja će se održati najkasnije u roku od 30 (trideset) dana od dana isteka roka od 3 (tri) mjeseca.

Sjednicama predsjedava predsjednik/ca, a u slučaju spriječenosti zamjenjuje ga/je potpredsjednik/ca kojeg on/a ovlasti. U slučaju dužeg odsustvovanja predsjednika/ce, sjednicama regionalnog odbora predsjedavaju potpredsjednici/e naizmjenično.

Ukoliko predsjednik/ca regionalnog odbora podnese ostavku, funkciju vršioca dužnosti predsjednika/ce preuzima potpredsjednik/ca kojeg imenuje regionalni odbor i obavlja je do izbora novog predsjednika/ce.

### **Član 39. (Nadležnost regionalnog odbora)**

U ostvarivanju svoje funkcije regionalni odbor:

- osmišljava i organizira djelovanje i provođenje politike NS-a, izvršenje programa i programskih načela i ciljeva na nivou regionalne organizacije;
- provodi Statut i druge odluke nadležnih organa i tijela NS-a;

- daje političke ocjene i utvrđuje političke stavove o stanju na području na kojem djeluje i šire;
- koordinira i usmjerava rad lokalnih organizacija, te podstiče osnivanje novih lokalnih organizacija i njihovih ogranaka, u skladu sa Statutom i odlukama nadležnih organa i tijela NS-a;
- podstiče omasovljenje članstva;
- osniva različite interesne odbore i druga tijela i koordinira njihov rad;
- bira predsjednika/cu, potpredsjednike/ce i sekretara/ku regionalnog odbora;
- predlaže kandidate/kinje i njihove zamjenike, te organizira i nadzire provođenje izborne kampanje za predstavničke organe jedinica regionalne samouprave s područja dotične regionalne organizacije;
- odlučuje o koalicijama u jedinicama regionalne samouprave s područja dotične regionalne organizacije u skladu sa politikom NS-a i uz saglasnost Predsjedništva NS-a;
- najmanje jednom u pola godine razmatra rad svojih članova/ica u organima jedinica regionalne vlasti s područja dotične regionalne organizacije;
- predlaže kandidate/kinje za izbor poslanika/ca u predstavničke organe Distrikta Brčko i entiteta Bosne i Hercegovine;
- utvrđuje prijedloge kandidata/kinja za organe NS-a;
- podstiče i organizira promotivne aktivnosti, te organizira odnose s javnošću na području djelovanja dotične regionalne organizacije;
- raspravlja i zauzima stajališta o iznimno važnim političkim pitanjima iz rada lokalnih organizacija i ogranaka sa svog područja;
- dostavlja Predsjedništvu NS-a godišnje izvještaje o radu i plan rada za narednu godinu;
- usvaja finansijski izvještaj za prethodnu godinu. Sastavni dio izvještaja regionalnog odbora su i finansijski izvještaji općinskih odbora;
- donosi poslovnik o svom radu;
- obavlja i druge poslove predviđene poslovníkom, Statutom i odlukama viših organa i tijela NS-a.

S ciljem unapređivanja organizacije i efikasnosti rada lokalnih organizacija i ogranaka, regionalni odbor može osnivati koordinacijska tijela o čemu donosi posebnu odluku.

Regionalni odbor donosi pravovaljane odluke natpolovičnom većinom prisutnih, ukoliko sjednici prisustvuje natpolovična većina ukupnoga broja članova/ica odbora.

#### **IV ORGANI I STALNA TIJELA NS-A**

##### **Član 40. (Organi NS-a)**

Organi NS-a su:

- Kongres;
- Glavni odbor;
- predsjednik/ca;
- Predsjedništvo;
- Nadzorni odbor;
- Sud časti.

##### **Član 41. (Tijela NS-a)**

Tijela NS-a čine:

- Interesni odbori/savjeti;
- Odbor za statut;
- Forum mladih.

Glavni odbor donosi odluku o načinu formiranja i funkcioniranja tijela NS-a.

Glavni odbor može, kada se za to ukaže potreba, donijeti odluku o formiranju i drugih tijela NS-a.

##### **Kongres NS-a**

##### **Član 42. (Kongres NS-a)**

Kongres NS-a je najviši organ NS-a.

Kongres NS-a, po svom sadržaju, može biti izborni, izvještajno-tematski i vanredni.

Izborni kongres održava se svake 4 (četiri) godine.

Izvještajno-tematski kongres održava se prema potrebi, a obavezno u roku od 6 (šest) mjeseci od dana objavljivanja službenih rezultata izbora u BiH.

Vanredni kongres održava se na temelju odluke Glavnog odbora NS-a.

Određbe ovog statuta, kojima se uređuje način sazivanja, izbora delegata, rad i odlučivanje na Kongresu NS-a, odnose se na sve kongrese navedene u stavu 2. ovoga člana. Glavni odbor NS-a može donijeti odluku o skraćivanju rokova za pripremu i organizaciju vanrednog kongresa propisanih ovim statutom.

#### **Član 43. (Sazivanje Kongresa NS-a)**

Kongres NS-a saziva predsjednik/ca NS-a ili Glavni odbor NS-a.

Organi iz st. 1. ovog člana donose odluku o sazivanju Kongresa koja obavezno sadrži:

- datum, vrijeme i mjesto održavanja Kongresa;
- broj delegata/kinja Kongresa i način njihovog izbora;
- sastav Odbora za organizaciju Kongresa;
- naznaku bitnih pitanja koja će Kongres razmatrati u toku zasjedanja.

Akti iz stava 2. ovog člana dostavljaju se općinskim i regionalnim odborima, Odboru za organizaciju Kongresa i Predsjedništvu NS-a, a najkasnije 60 (šezdeset) dana prije zakazanog dana održavanja Kongresa.

Poziv i materijali za Kongres dostavljaju se najmanje 30 (trideset) dana prije zakazanog dana održavanja izbornog Kongresa, a najmanje 15 (petnaest) dana prije zakazanog dana održavanja izvještajno-tematskog ili vanrednog Kongresa.

#### **Član 44. (Zahtjev za sazivanje Kongresa NS-a)**

Predsjednik/ca NS-a dužan/na je sazvati Kongres NS-a na zahtjev najmanje 3 (tri) regionalna odbora ili najmanje 10 (deset) općinskih odbora. Kada zahtjev za sazivanje Kongresa NS-a daju regionalni odbori, onda najmanje jedan od njih mora biti s područja drugog entiteta.

Obrazloženi zahtjev iz stava 1. ovog člana podnosi se u pisanom obliku i sadrži prijedlog dnevnoga reda sjednice Kongresa NS-a.

Kada predsjednik/ca NS-a zaprimi zahtjev za sazivanje Kongresa NS-a, dužan/na je u roku od 30 (trideset) dana ispitati razloge za sazivanje Kongresa NS-a, zatražiti mišljenje Predsjedništva NS-a, te o svom konačnom stavu izvijestiti podnosiocem prijedloga.

Ukoliko predsjednik/ca NS-a ne prihvati zahtjev za sazivanje Kongresa NS-a, podnosioci zahtjeva mogu zahtjev istog sadržaja dostaviti Glavnom odboru NS-a, koji je dužan u roku od 30 (trideset) dana izvijestiti podnosiocem zahtjeva o svom stavu.

Ukoliko Glavni odbor NS-a prihvati zahtjev za sazivanje Kongresa NS-a, u odluci o sazivanju može odrediti da će to biti izborni Kongres NS-a.

#### **Član 45. (Sastav Kongresa NS-a)**

Kongres čine:

- Predsjednik/ca i tri potpredsjednika/ce NS-a;
- članovi/ce Glavnog odbora, Predsjedništva, Nadzornog odbora i Suda časti NS-a;
- generalni sekretar/ka NS-a;
- predsjednici/ce općinskih odbora;
- predsjednici/ce regionalnih odbora;
- izabrani predstavnici/e NS-a u općinskim vijećima/skupštinama općina jedinice lokalne samouprave, općinski načelnici/ice, te zastupnici/e u državnim, entitetskim i kantonalnim zakonodavnim tijelima;
- izabrani predstavnici/e lokalnih organizacija NS-a, i to po jedan predstavnik/ca na svakih započetih 50 (pedeset) članova/ica lokalne organizacije.

Delegati/kinje izbornog kongresa iz stava 1. ovog člana obavljaju funkciju do narednog izbornog kongresa.

**Član 46.**  
**(Nadležnost Kongresa NS-a)**

Kongres je nadležan da:

- donosi Statut i program NS-a;
- donosi poslovnik o radu;
- donosi odluke, deklaracije i druge akte iz svoje nadležnosti;
- raspravlja i donosi odluku o prestanku rada NS-a ili njezinom udruživanju s drugim političkim strankama;
- utvrđuje opću politiku, smjernice i stajališta NS-a;
- razmatra i ocjenjuje cjelokupno djelovanje NS-a;
- raspravlja i prihvaća izvještaje o radu Glavnog i Nadzornog odbora NS-a;
- tajnim glasanjem razrješava i bira predsjednika/cu NS-a;
- tajnim glasanjem razrješava i bira troje potpredsjednika/ca NS-a;
- tajnim glasanjem razrješava i bira članove/ice Glavnog odbora NS-a,
- tajnim glasanjem razrješava i bira članove/ice Nadzornog odbora NS-a;
- tajnim glasanjem razrješava i bira članove/ice Suda časti NS-a;
- obavlja druge poslove utvrđene poslovnikom i Statutom.

**Član 47.**  
**(Način odlučivanja)**

Kongres donosi pravovaljane odluke ukoliko zasjedanju prisustvuje natpolovična većina izabranih delegata/kinja.

Kongres donosi pravovaljane odluke natpolovičnom većinom prisutnih delegata/kinja.

Odluku o prestanku rada, spajanju s drugim političkim strankama, stupanju u međunarodna politička i nepolitička udruženja i izmjenama i dopunama Statuta NS-a, Kongres NS-a donosi dvotrećinskom većinom prisutnih delegata/kinja Kongresa.

Ukoliko se glasa o više prijedloga koji se međusobno isključuju, usvojenim se smatra onaj prijedlog koji je dobio najviše glasova prisutnih delegata/kinja Kongresa NS-a.

**Glavni odbor NS-a**

**Član 48.**  
**(Glavni odbor NS-a)**

Glavni odbor NS-a je najviši organ NS-a između dva kongresa.

Glavni odbor NS-a ima najmanje 29 članova/ica, pri čemu ukupan broj članova/ica Glavnog odbora NS-a mora biti neparan.

Glavni odbor NS-a čine:

- predsjednik/ca NS-a;
- predsjednici/e regionalnih odbora;
- najmanje 26 članova/ica koje bira Kongres NS-a.

Prijedlog kandidata/kinja za člana/icu Glavnog odbora NS-a utvrđuje općinski odbor, a potvrđuje ga Glavni odbor NS-a.

Svaka općinska organizacija koja je formirana između dva izborna Kongresa kandidira jednog člana/icu u Glavni odbor NS-a, kojeg/u na prijedlog Predsjedništva NS-a bira Glavni odbor NS-a.

U slučaju da mu/joj iz bilo kog razloga prestane mandat, novog člana/icu bira Glavni odbor NS-a, a na inicijativu lokalne organizacije.

Glavni odbor NS-a može, na prijedlog Predsjedništva NS-a, ili predsjednika Glavnog odbora, donijeti odluku o kooptiranju do 10 članova/ica Glavnog odbora NS-a.

Potrebno je uložiti najveće napore kako bi se u sastavu Glavnog odbora obezbijedila ravnopravna zastupljenost oba spola i zastupljenost najmanje 30% članova/ica mlađih od 30 godina.

Na sjednice Glavnog odbora NS-a obavezno se poziva predsjednik/ca Nadzornog odbora NS-a.

**Član 49.**  
**(Konstituiranje Glavnog odbora NS-a)**

Glavni odbor NS-a se mora konstituirati u skladu sa Statutom najkasnije u roku od 30 (trideset) dana od dana održavanja Kongresa na kojem je izabran novi ili dopunjen postojeći saziv Glavnog odbora.

Konstituirajuću sjednicu novoizabranog Glavnog odbora NS-a saziva predsjednik/ca NS-a.

Članovi/ce Glavnog odbora NS-a, na prijedlog Predsjedništva NS-a, biraju između sebe predsjednika i tri potpredsjednika/ce Glavnog odbora, pri čijem se izboru mora voditi računa o ravnomjernoj spolnoj zastupljenosti.

#### **Član 50. (Sjednice Glavnog odbora NS-a)**

Glavni odbor NS-a zasjeda najmanje četiri puta godišnje.

Sjednice Glavnog odbora NS-a saziva predsjednik/ca Glavnog odbora NS-a, a u slučaju njegove/njene spriječenosti, potpredsjednik/ca kojega on/a za to ovlasti.

Predsjednik/ca Glavnog odbora NS-a dužan/na je sazvati sjednicu Glavnog odbora NS-a na prijedlog najmanje 1/5 (jedne petine) članova/ica Glavnog odbora NS-a, odnosno na osnovu zahtjeva Predsjedništva NS-a.

Ukoliko predsjednik/ca Glavnog odbora NS-a ne sazove sjednicu u skladu sa stavom 3. ovoga člana, predsjednik/ca NS-a saziva sjednicu Glavnog odbora bez odgode.

#### **Član 51. (Nadležnosti Glavnog odbora NS-a)**

Glavni odbor NS-a:

- odgovara za provođenje odluka Kongresa NS-a i politika NS-a;
- donosi odluke i zaključke, te daje preporuke i smjernice Predsjedništvu NS-a;
- razmatra i predlaže načine povezivanja i saradnje NS-a s drugim političkim ili nepolitičkim organizacijama, te donosi, između dva Kongresa NS-a, odluku o udruživanju sa drugim političkim strankama koja važi do konačne odluke Kongresa NS-a o ovom pitanju;
- raspravlja i odlučuje o koalicijama NS-a;
- donosi odluku o pristupanju međunarodnim političkim asocijacijama;
- donosi odluku o postupku kandidiranja i izboru kandidata/kinja za lokalne i opće izbore;
- utvrđuje kandidate/kinje za sve nivoe vlasti;
- donosi odluku o načinu formiranja i funkcioniranja tijela NS-a;
- zauzima politička stajališta o pitanjima iz djelokruga zastupničkih i izvršnih organa Federacije Bosne i Hercegovine, Republike Srpske, Brčko Distrikta BiH i Bosne i Hercegovine;
- imenuje vršioce dužnosti predsjednika/ce i potpredsjednika/ca NS-a, kada im iz bilo kojeg razloga prestane mandat;
- imenuje do 5 (pet) članova/ica Predsjedništva NS-a, na prijedlog predsjednika, a bira 5 (pet) članova/ica na prijedlog Glavnog odbora NS-a;
- utvrđuje kandidate/kinje za izbor u organe NS-a koje bira Kongres NS-a;
- bira i razrješava predsjednika/cu i dvoje potpredsjednika/ca Glavnog odbora NS-a, u skladu sa Statutom;
- na prijedlog Predsjedništva NS-a, ili predsjednika Glavnog odbora, bira u svoje članstvo do 10 (deset) članova/ica NS-a;
- na prijedlog Predsjedništva NS-a donosi finansijski plan i usvaja zaključni finansijski izvještaj NS-a za prethodnu godinu;
- analizira i ocjenjuje vođenje predizborne kampanje, stranačke aktivnosti u kampanji i rezultate izbora na svim razinama;
- na zajedničkim sastancima, a najmanje dvaput godišnje, analizira rad poslanika/ca NS-a u predstavničkim organima Federacije Bosne i Hercegovine, Republike Srpske, Brčko Distrikta BiH i Bosne i Hercegovine;
- raspravlja o svim pitanjima vezanim uz djelovanje NS-a, vodeći računa o stručnim analizama interesnih odbora/savjeta, te utvrđuje programske smjernice za pojedina područja političkog, ekonomskog i društvenog života;
- na prijedlog Predsjedništva NS-a utvrđuje iznos godišnje članarine i donosi Pravilnik o članstvu;
- donosi pravilnik o Sudu časti NS-a;
- donosi pravilnik o sastavu i načinu djelovanja interesnih odbora/savjeta NS-a;
- donosi pravilnik o postupku kandidiranja i izboru organa NS-a;
- donosi i druge opće akte utvrđene ovim statutom;

- donosi poslovnik o svom radu;
- obavlja i druge poslove predviđene poslovníkom i Statutom.

Glavni odbor NS-a donosi pravovaljane odluke natpolovičnom većinom prisutnih, ukoliko sjednici Glavnog odbora prisustvuje natpolovična većina ukupnog broja članova/ica odbora.

#### **Član 52.**

##### **(Prenos ovlasti i odlučivanje Glavnog odbora NS-a u izuzetnim situacijama)**

Glavni odbor NS-a može neke od svojih ovlasti prenijeti na Predsjedništvo NS-a.

Izuzetno, kada to izvanstranačke i unutarstranačke okolnosti zahtijevaju, Glavni odbor NS-a može, na prijedlog predsjednika/ce NS-a, donositi odluke sa statutarnom snagom, koje ne mogu umanjiti Statutom zajamčena prava svih članova/ica NS-a.

Odluke iz stava 2. ovog člana donose se dvotrećinskom većinom prisutnih članova/ica, ukoliko sjednici Glavnog odbora NS-a prisustvuje natpolovična većina ukupnog broja članova/ica. Tako donesene odluke podliježu procjeni i potvrđi prvog narednog Kongresa NS-a.

Ukoliko Glavni odbor NS-a nije održao sjednicu duže od 6 (šest) mjeseci, tada Predsjedništvo NS-a može donositi odluke iz njegove nadležnosti i o donesenim odlukama informirati Glavni odbor NS-a na narednoj sjednici.

#### **Predsjednik/ca NS-a**

#### **Član 53.**

##### **(Predsjednik/ca NS-a)**

Predsjednik/ca NS-a zastupa i predstavlja NS, te neposredno rukovodi aktivnostima na provođenju politika i programa NS-a, izvršavanjem i provođenjem odluka nadležnih organa NS-a, te odlučuje o tekućim poslovima vezanim za neposredno upravljanje strankom.

Predsjednik/ca NS-a može ovlastiti člana/icu pojedinog organa ili tijela NS-a da predstavlja i zastupa NS u određenim poslovima i aktivnostima (sudjelovanje na konferencijama i seminarima, sudjelovanje u pregovorima oko nekih pitanja od važnosti za NS i sl.).

Generalni sekretar/ka pomaže predsjedniku/ci NS-a u izvršavanju obaveza iz stava 1. ovoga člana.

Mandat predsjednika/ce NS-a traje 4 (četiri) godine uz mogućnost ponovnog izbora, ali ukupno ne više od 8 (osam) godina.

U slučaju da NS na lokalnim ili općim izborima ostvari slabije rezultate u odnosu na prethodne izbore na tim nivoima, predsjednik/ca NS-a je dužan/na ponuditi ostavku o kojoj odlučuje Kongres NS-a ili Glavni Odbor NS-a. U slučaju da predsjednik/ca NS-a u roku od 30 dana od dana objave konačnih rezultata ne ponudi ostavku, Glavni odbor NS-a je dužan u daljem roku od 30 dana otvoriti pitanje povjerenja predsjedniku/ci NS-a.

Predsjednik/ca NS-a bira se na Kongresu, neposredno, tajnim glasanjem, te za svoj rad odgovara Kongresu NS-a i Glavnom odboru NS-a, između dva kongresa.

Način kandidiranja i izbora predsjednika/ce NS-a regulisan je pravilnikom o postupku kandidiranja i izboru organa NS-a.

#### **Član 54.**

##### **(Nadležnost predsjednika/ce NS-a)**

Pored prava i obaveza iz člana 53. ovog statuta predsjednik/ca NS-a:

- provodi politiku NS-a u skladu s programskim dokumentima, Statutom, odlukama i zaključcima nadležnih organa NS-a, te donosi izvršne političke odluke, zaključke, upute i druge akte;
- brine se i osigurava međusobnu saradnju svih organa i tijela NS-a;
- odgovara zajedno sa Predsjedništvom NS-a za finansijsko poslovanje NS-a u skladu sa zakonima Bosne i Hercegovine;
- predlaže do 5 (pet) članova/ica za izbor u Predsjedništvo NS-a;
- saziva Kongres NS-a, u skladu sa Statutom;
- saziva Glavni odbor NS-a, ukoliko to ne učini predsjednik/ca Glavnog odbora NS-a;
- predlaže Predsjedništvu NS-a donošenje odluke o raspuštanju lokalnih i regionalnih odbora NS-a, te
- obavlja druge poslove u skladu sa Statutom.

### **Potpredsjednik/ca NS-a**

#### **Član 55. (Potpredsjednik/ca NS-a)**

NS ima tri potpredsjednika/ce koje bira Kongres NS-a na mandat od 4 (četiri) godine uz mogućnost ponovnog izbora, ali ukupno ne više od 8 (osam) godina.

Potpredsjednici/e NS-a za svoj rad odgovaraju Kongresu NS-a, Glavnom odboru NS-a i predsjedniku/ci NS-a.

Predsjednik/ca NS-a zadužuje potpredsjednike/ce NS-a za obavljanje poslova vezanih uz određena programska područja, odnosno za neposredno provođenje politike i političko djelovanje na državnom, regionalnom i lokalnom nivou.

### **Predsjedništvo NS-a**

#### **Član 56. (Predsjedništvo NS-a)**

Predsjedništvo NS-a je najviše izvršno-političko tijelo NS-a.

Predsjedništvo NS-a čine:

- predsjednik/ca NS-a;
- tri potpredsjednika/ce NS-a;
- predsjednik/ca Glavnog odbora;
- generalni sekretar/ka;
- predstavnik/ca Forum mladih NS-a;
- do 10 (deset) članova/ica koje imenuje Glavni odbor NS-a, od kojih 5 (pet) predlaže predsjednik/ica NS-a, a 5 (pet) članova/ca Glavni odbor, pri čemu ukupan broj članova/ica Predsjedništva NS-a mora biti neparan.

Prije utvrđivanja prijedloga članova/ica Predsjedništva NS-a koje predlaže, predsjednik/ca NS-a je dužan/na konsultovati se sa potpredsjednicima/ama NS-a i osigurati regionalnu zastupljenost i ravnopravnu zastupljenost spolova.

#### **Član 57. (Sjednice Predsjedništva NS-a)**

Sjednice Predsjedništva NS-a održavaju se prema potrebi, a najmanje jednom mjesečno.

Sjednice Predsjedništva NS-a saziva i njima predsjedava predsjednik/ca NS-a, a u slučaju njegove/njene spriječenosti, sjednicom predsjedava jedan od potpredsjednika/ca NS-a kojega za to ovlasti predsjednik/ca NS-a. U slučaju duže odsutnosti predsjednika/ce NS-a, sjednicama Predsjedništva NS-a predsjedavaju potpredsjednici/e NS-a naizmjenično.

Članovi/ice Predsjedništva NS-a dužni su prisustvovati sjednicama Predsjedništva NS-a.

#### **Član 58. (Način odlučivanja)**

Predsjedništvo NS-a donosi pravovaljane odluke natpolovičnom većinom prisutnih članova/ica ukoliko sjednici prisustvuje većina od ukupnog broja članova/ica Predsjedništva NS-a.

Odluke Predsjedništva NS-a obavezuju sve niže organe i tijela NS-a, koja su ih dužna provoditi bez odgađanja.

#### **Član 59. (Nadležnost Predsjedništva NS-a)**

Predsjedništvo NS-a:

- provodi program NS-a, odluke Kongresa NS-a i Glavnog odbora NS-a;
- raspravlja o potrebi izmjena programa, Statuta i pravilnika, te utvrđuje njihov nacrt;
- kreira i provodi politiku međunarodne suradnje;
- koordinira rad regionalnih organizacija, te radi na jačanju organizacijske strukture i efikasnom provođenju politike i programa NS-a;
- analizira, raspravlja i zauzima stajališta o aktuelnim političkim pitanjima važnima za Bosnu i Hercegovinu i njezine građane;



- donosi odluku o raspuštanju općinskih i regionalnih odbora;
- imenuje koordinatora/icu rada interesnih odbora/savjeta NS-a;
- osniva i druga tijela u skladu sa Statutom;
- razrješava i bira generalnog sekretara/ku NS-a;
- osmišljava i organizira provođenje političkih i poslovnih aktivnosti NS-a;
- organizira i brine se o odnosima NS-a s javnošću,
- imenuje glasnogovornika/cu i utvrđuje djelokrug njegovog/njenog rada;
- imenuje središnji izborni štab NS-a;
- radi na organizacionom jačanju stranke i brine se o informiranosti članstva;
- pribavlja sredstva, organizira i brine se za materijalno i finansijsko poslovanje i potrebe NS-a;
- podnosi Glavnom odboru godišnji izvještaj o svom radu;
- predlaže Glavnom odboru NS-a finansijski plan za narednu godinu i podnosi završni račun za tekuću godinu;
- predlaže Glavnom odboru NS-a iznos godišnje članarine i način njenog prikupljanja;
- daje mišljenje o svim aktima i dokumentima koje drugi organi ili tijela NS-a predlažu Glavnom odboru na razmatranje i usvajanje;
- upravlja imovinom NS-a i odgovara za njezino korištenje u skladu sa zakonima Bosne i Hercegovine;
- brine se o zaštiti i upotrebi arhivske građe i drugih dokumenata;
- donosi odluke koje nisu u nadležnosti drugih organa NS-a, u skladu sa Statutom;
- donosi poslovnik o svom radu;
- predlaže kandidate/kinje za izbor poslanika/ca u predstavničke organe entiteta Federacije Bosne i Hercegovine, entiteta Republika Srpska, Brčko Distrikta BiH i Bosne i Hercegovine, kao i kandidate/kinje za izbor u Predsjedništvo BiH;
- daje saglasnost za liste kandidata/kandidatkinja za sve nivoe vlasti predložene od lokalnih i regionalnih odbora;
- obavlja i druge poslove u skladu s poslovníkom, Statutom i odlukama viših organa NS-a.

### **Nadzorni odbor NS-a**

#### **Član 60. (Nadzorni odbor NS-a)**

Nadzorni odbor NS-a ima 5 (pet) članova/ica koje, u skladu sa ovim statutom, bira Kongres na mandat od 4 (četiri) godine.

Nakon izbora članova/ica Nadzornog odbora NS-a, predsjednik/ca NS-a saziva konstituirajuću sjednicu Nadzornog odbora NS-a na kojoj članovi/ce između sebe biraju predsjednika/cu Nadzornog odbora NS-a i donose poslovnik o svome radu, u skladu sa Statutom.

Nadzorni odbor NS-a za svoj rad odgovara Kongresu NS-a.

#### **Član 61. (Nadležnost Nadzornog odbora NS-a)**

Nadzorni odbor NS-a nadzire zakonitost i statutarnost rada svih organa i tijela NS-a, a osobito njihovo materijalno i finansijsko poslovanje.

Članovi/ce Nadzornog odbora NS-a ne mogu biti članovi Predsjedništva NS-a i Glavnog odbora NS-a.

Nadzorni odbor NS-a donosi pravovaljane odluke većinom glasova svih svojih članova/ica.

Predsjednik/ca Nadzornog odbora NS-a obavezno se poziva na sjednice Glavnog odbora NS-a.

Svaki izvještaj o finansijsko-materijalnom poslovanju, koji se podnosi Predsjedništvu NS-a, Glavnom odboru NS-a ili Kongresu NS-a, mora imati i mišljenje Nadzornog odbora NS-a.

U slučaju uočenih nepravilnosti, Nadzorni odbor NS-a će o istome, bez odgađanja i u pisanom obliku, izvjestiti predsjednika/cu NS-a i Predsjedništvo NS-a, te pozvati dotični organ da odmah ispravi uočene nepravilnosti.

### **Sud časti NS-a**

#### **Član 62. (Sud časti NS-a)**

Sud časti NS-a ima 5 (pet) članova/ica koje, u skladu sa ovim statutom, bira Kongres NS-a na mandat od 4 (četiri) godine.

Članovi/ce Suda časti NS-a ne mogu biti članovi/ce Predsjedništva NS-a ili Glavnog odbora NS-a.

Predsjednik/ca NS-a saziva konstituirajuću sjednicu Suda časti NS-a na kojoj članovi/ce između sebe biraju predsjednika/cu Suda časti.

Sud časti NS-a djeluje u skladu sa pravilnikom o Sudu časti, kojega donosi Glavni odbor NS-a.

Generalni sekretar/ka NS-a dužan je pružiti organizacijsku i administrativnu podršku Sudu časti NS-a.

### **Član 63. (Organizovanje i rad stalnih tijela)**

Glavni odbor NS-a donosi odluke o formiranju i načinu rada stalnih i povremenih tijela koja djeluju na nivou Stranke.

### **Član 64. (Interesni odbori/savjeti)**

Interesni odbori/savjeti svoj rad temelje na političkim načelima NS-a i djeluju s ciljem aktiviranja članova/ica i simpatizera/ki NS-a, koji dijele iste ili slične interese (ekonomija, kultura, politički sistem, obrazovanje, nauka, socijalna zaštita, ekologija, zaštita marginaliziranih skupina, sigurnost i sl.).

Odluku o osnivanju interesnih odbora/savjeta donosi nadležni izvršni organ NS-a, ovisno o razini teritorijalne organizacije NS-a za koju se interesni odbor/savjet osniva.

Broj članova/ica u pojedinom interesnom odboru/savjetu nije ograničen, a članovi/ce pojedinog interesnog odbora/savjeta između sebe biraju predsjednika/cu odbora, te donose poslovnik o radu, u skladu sa Statutom.

Interesni odbori/savjeti prate društveno-političke događaje, te analiziraju i predlažu inicijative i rješenja bitnih pitanja iz svih područja života Bosne i Hercegovine (političkog, ekonomskog, socijalnog, odbrambenog, ekološkog, demografskog itd.).

Nadležni organi NS-a prilikom usvajanja programa i planova rada na svim nivoima organiziranja NS-a uzimaju u obzir i stavove i mišljenja interesnih odbora/savjeta.

Predsjedništvo NS-a, u skladu sa Statutom, može imenovati koordinatora/icu za rad interesnih odbora/savjeta NS-a.

### **Generalni sekretar/ka NS-a**

### **Član 65. (Generalni sekretar/ka NS-a)**

Generalnog sekretara/ku NS-a bira Predsjedništvo NS-a na prijedlog predsjednika/ce NS-a, na mandat od 4 (četiri) godine s mogućnošću reizbora.

Generalni sekretar/ka NS-a za svoj rad odgovara Predsjedništvu NS-a.

### **Član 66. (Nadležnost generalnog sekretara/ke NS-a)**

Generalni sekretar/ka NS-a:

- organizira i koordinira rad organa i tijela NS-a;
- zadužen/a je i odgovoran/na za unapređenje organizacijske stranačke strukture i unutarstranačke komunikacije;
- odgovara za organiziranje izvršenja odluka predsjednika/ce NS-a, Predsjedništva NS-a, Glavnog odbora NS-a i Nadzornog odbora NS-a;
- odgovoran/na je za provođenje Statuta i drugih odluka organa i tijela NS-a;
- odgovara Predsjedništvu NS-a za rad Sekretarijata NS-a;
- učestvuje u pripremi i radu organa i tijela NS-a, te priprema i osigurava organizacione, materijalne i tehničke uslove za njihov rad;

- organizira i koordinira poslovanje NS-a, naročito materijalno-finansijsko;
- dužan/na je u slučaju uočene potrebe pismeno ukazati bilo kojem organu ili tijelu NS-a da postupa suprotno odredbama Statuta, općim aktima ili odlukama organa NS-a;
- obavlja druge poslove u skladu sa Statutom i odlukama viših organa NS-a.

Generalni sekretar/ka NS-a može, uz prethodnu suglasnost Predsjedništva NS-a, sazvati sjednicu bilo kojega tijela NS-a, ukoliko ocijeni da je sazivanje sjednice neophodno.

U slučajevima duže odsutnosti ili spriječenosti generalnog sekretara/ke NS-a, Predsjedništvo NS-a imenuje između svojih članova osobu koja će obavljati poslove generalnog sekretara/ke za vrijeme njegove/njene odsutnosti.

### **Sekretarijat NS**

#### **Član 67. (Sekretarijat Naše stranke)**

Za potrebe obavljanja stručnih, administrativnih i tehničkih poslova NS-a, Predsjedništvo osniva Sekretarijat NS-a.

Na prijedlog generalnog sekretara/ke NS-a, Predsjedništvo NS-a donosi pravilnik o organizaciji Sekretarijata NS-a, kojim se uređuje njegov rad, utvrđuje broj administrativnog i drugog stručnog osoblja potrebnog za njegov nesmetani rad, iznos plaće i drugih naknada.

### **V MANDAT IZABRANIH ORGANA, TIJELA I DUŽNOSNIKA/CA**

#### **Član 68. (Trajanje mandata)**

Članovi/ce svih izabranih organa i tijela NS-a i izabrani dužnosnici/e NS-a biraju se na period od 4 (četiri) godine, ukoliko Statutom nije drugačije predviđeno.

#### **Član 69. (Imenovanje vršioca dužnosti predsjednika/ce NS-a i potpredsjednika/ca NS-a)**

U slučaju da predsjednik/ca NS-a iz bilo kojeg razloga prestane obavljati svoju funkciju, Glavni odbor NS-a između potpredsjednika/ca NS-a imenuje vršioca/teljicu dužnosti predsjednika/ce NS-a čiji mandat traje do narednog Kongresa NS-a.

U slučaju da potpredsjednik/ca NS-a iz bilo kojeg razloga prestane obavljati svoju funkciju, Glavni odbor NS-a imenuje, na prijedlog predsjednika/ce NS-a, vršioca/teljicu dužnosti potpredsjednika/ce čiji mandat traje do narednog Kongresa NS-a.

### **VI ODBOR ZA STATUT**

#### **Član 70. (Odbor za statut)**

Glavni odbor NS-a imenuje Odbor za statut, na prijedlog predsjednika/ce NS-a, kao stalno tijelo NS-a.

Odbor za statut prati primjenu statuta, predlaže izmjene i dopune, te daje autentična tumačenja odredbi statuta.

Odbor za statut ima 5 (pet) članova/ica, od kojih su najmanje 3 (tri) člana/ice pravne struke.

Članovi/ce Odbora za statut biraju se na mandat od 4 (četiri) godine s mogućnošću reizbora.

Članovi/ce Odbora za statut između sebe biraju predsjednika/cu Odbora za statut i donose poslovnik o svome radu, u skladu sa statutom.

Odbor za statut izrađuje nacрте statuta, odnosno nacрте izmjena i/ili dopuna statuta, te na zahtjev organa, tijela ili pojedinaca daje autentično tumačenje odredbi statuta koje je obavezujuće za sve članove/ice NS-a.

Odbor za statut donosi ocjenu usklađenosti svih poslovnika i drugih općih akata sa statutom, a na pismeni zahtjev bilo kojega organa, tijela ili člana NS-a.

#### **Član 71. (Javna rasprava o nacrtu statuta)**

Odbor za statut utvrđuje radnu verziju teksta statuta i upućuje ga Predsjedništvu NS-a na izjašnjenje.

Predsjedništvo NS-a utvrđuje nacrt statuta i upućuje ga na javnu raspravu u lokalne i regionalne organe NS-a.

Nakon obavljene javne rasprave Predsjedništvo NS-a utvrđuje prijedlog statuta i dostavlja ga Glavnom odboru NS-a.

Glavni odbor NS-a potvrđuje prijedlog statuta i dostavlja ga Kongresu NS-a na razmatranje i usvajanje.

Sjednicama Predsjedništva NS-a i Glavnog odbora NS-a na kojima se razmatraju i utvrđuju prednacrt, nacrt i prijedlog statuta obavezno prisustvuju najmanje 3 (tri) člana/ice Odbora za statut.

Postupak za izmjene i dopune statuta identičan je postupku njegovog donošenja.

## **VII FORUM MLADIH NS-A**

### **Član 72. (Forum mladih NS-a)**

Forum mladih NS-a je stalno tijelo NS-a koje okuplja članove/ice NS-a do 30 godina.

Forum mladih NS-a donosi poslovnik o radu kojim se definira način djelovanja, organizovanja, nadzor i koordinacija djelovanja Foruma mladih NS-a.

Predsjedništvo NS-a odobrava poslovnik o radu Foruma mladih NS-a.

## **VIII KLUBOVI ZASTUPNIKA/CA, DELEGATA/KINJA I VIJEĆNIKA/CA**

### **Član 73. (Načelne odredbe)**

Zastupnici/ce, delegati/kinje i vijećnici/ce iz NS-a izabrani u predstavničke organe organizuju se u klubove koji djeluju u okviru organa u koje su izabrani.

Klubovi obavezno razmatraju sva pitanja koja su na dnevnom redu sjednica predstavničkih organa, utvrđuju stavove i pokreću inicijative u skladu sa politikom NS-a i općim interesom društvene zajednice.

Klubovi biraju predsjednika/cu i zamjenika/cu predsjednika/ce uz saglasnost Predsjedništva NS-a.

Klubovi, odnosno izabrani predstavnici NS-a tamo gdje nije formiran klub, dužni su organu na istom nivou političko-teritorijalne organizacije NS-a podnijeti izvještaj o svom radu najmanje jedanput godišnje. Nadležni organ NS-a ima pravo zahtijevati podnošenje izvještaja o radu klubova, odnosno predstavnika/ca kada to ocjeni cjelishodnim.

Nadležni organi su dužni na prijedlog kluba, ili izabranog predstavnika/ce NS-a razmatrati pitanja i zauzimati stavove o temama koje će biti na dnevnom redu predstavničkog organa, te pružati svaku drugu pomoć klubovima, odnosno izabranim predstavnicima/ama NS-a.

## **IX IMOVINA I FINANSIRANJE NS-A**

### **Član 74. (Imovina NS-a)**

NS može imati nekretnine i pokretnine.

Odluku o kupovini nekretnina i načinu njihova raspolaganja donosi Glavni odbor NS-a.

Odluku o kupovini pokretnina (uredska oprema, motorna vozila i sl.) i načinu njihova raspolaganja donosi Predsjedništvo NS-a.

Odluku o materijalnom poslovanju i drugim novčanim ulaganjima donosi Predsjedništvo NS-a.

Odluku o nabavci uredskog materijala neophodnog za nesmetano funkcioniranje Sekretarijata NS-a, kao i drugog potrebnog materijala za nesmetani rad organa NS-a, donosi generalni sekretar NS-a.

### **Član 75. (Finansiranje)**

NS se finansira prihodom od:

- članarine;
- budžetskih sredstava onih organa u kojima ima zastupnike/ce, odnosno delegate/kinje;
- donacija;
- drugih izvora u skladu sa zakonom.

Način rada i upravljanja finansijama NS-a će se urediti pravilnikom o finansijskom poslovanju.

**Član 76.**  
**(Planiranje i izvještavanje)**

Generalni sekretar/ka NS-a vodi računa o pravovremenoj pripremi izvještaja o finansijskom poslovanju za tekuću i finansijskom planu za narednu godinu.

**X NAČIN PRESTANKA RADA STRANKE I RASPODJELA IMOVINE**

**Član 77.**

NS prestaje s radom u skladu sa zakonom.

Odluku o prestanku rada NS-a donosi Kongres NS-a.

U izuzetnim slučajevima, odluku o prestanku rada može donijeti i Glavni odbor NS-a, na prijedlog Predsjedništva NS-a.

Odluka o prestanku rada NS-a obavezno sadrži odredbu kojom se utvrđuje krajnji korisnik imovine NS-a.

**XI PRELAZNE I ZAVRŠNE ODREDBE**

**Član 78.**

Ovaj statut stupa na snagu i primjenjuje se danom donošenja.

Organi i tijela NS-a, kao i organizacijski oblici NS-a dužni su uskladiti sve svoje akte i dokumente s odredbama Statuta na svojoj prvoj narednoj sjednici, a najkasnije u roku od 6 (šest) mjeseci od dana donošenja Statuta.

**Član 79.**

Danom stupanja na snagu ovoga statuta prestaje važiti prečišćeni tekst Statuta donesen na \_\_\_ Kongresu NS-a od \_\_\_\_ godine.

Broj:  
**predsjedavajući Kongresa Naše stranke**

\_\_\_\_\_  
(Ime i prezime)